



30-26

1918 25

ახალი

# სიტყვა

№ 1.

ორკვირეული ჟურნალი.

№ 1.

შემდეგი ნომერი გამოვა 12 მარტს. მიიღება ხელის მოწერა ორკვირეულ, სასულიერო მთავრობისაგან დამოუკიდებელ ჟურნალ „ახალ სიტყვაზე“—ზე.

ჟურნალის მიზანია საქართველოს ეკლესიის ფაქტიური განახლება წმ. სახარების ნიჟარადაზღვევად და ბრძოლა ყოველგვარ ჩაგვრა-უსამართლობასთან სასულიერო უწყებაში.

გაზეთი დააარსა ყოფილ გაზეთ „სიტყვის“ (1906 წ.) ფაქტიურ ხელმძღვანელთა თაოსნობით თბილისის და საქართველოს სხვადასხვა კუთხის სამღვდელოების და მორწმუნე ერის კაცთა ჯგუფმა.

საგამომცემლო ამხანაგობის საწევრო გადასახადი (თითო პაი) ათი თუმანია, რომელიც შეიძლება შემოტანილ იქმნეს ორ ნაწილად.

ხელისმოწერის ფასი ექვსი თვით ცხრა მანეთი, თუ ბეჭდვის პირობები არ შეიცვალა.

ცალკე ნომერი ოთხი აბაზი.

საწევრო გადასახადი და ხელისმოწერის ფასი მიიღება რედაქციის მოლარე დეკანოზ ანტონ თოთიბაძესთან: თბილისი, სიონის საკათედრო ტაძრის ეზო.

დამფუძნებელთა მიერ არჩეული სარედაქციო კოლეგია სთხოვს თანამოაზრეთ დაიქარონ საწევრო გადასახადის შემოტანა, ვინაიდან, გამოცემის ფრიად გაძვირების გამო, ფულის დროზე მიღებისგან ბევრად დამოკიდებულია გაზეთის გაფართოვება და ყოველნაირი გაუმჯობესება.

გარდა სამღვდელოების და კერძო მორწმუნე ერის კაცთა, რომელთა მხურვალე მო-

ნაწილეობაში ყოფილ „სიტყვის“ მაგალითით სრულიად დარწმუნებულნი ვართ, ვთხოვთ განახლებულ ეკლესიის ადგილობრივ მესვეურთ —სამრევლო საბჭოებს აღმოგვიჩინონ ქონებრივი დახმარება, გარდა გაზეთის გამოწერისა საგამომცემლო პაების შემოტანით მათ დამორწმუნებულ ეკლესიების თანხიდან.


სარედაქციო მასალები და წერილები უნდა გამოიგზავნოს სარედაქციო კოლეგიის რწმუნებულ მღვდ. ქრ. ციციშვილთან: თბილისი, 7 ნაწ., კაბგეროვის ქ., № 47.

რედაქცია იმავე ქუჩაზე, № 51.

## 1918 წლის 25 თებერვალი

დღეს, როდესაც ცხოვრება ათ-თხუთმეტჯერ გართულებულია და კერძოდ ჟურნალ-გაზეთების გამოცემა იმდენათ გაძვირდა ქალაქის შოვნის თუ ხელფასის მხრით, რომ უძველესნი გამოცემანიც კი ძლივს დაფავენ სულსა,—სამღვდელოების და მორწმუნე ერის კაცთა ჯგუფი კადნიერდება გამოსცეს საკუთარი ორგანო.

არტომ?—იმიტომ, რომ ეს ძლიერ საჭიროა, რის გამოც აუცილებლად უნდა გაკეთდეს მიუხედავად იმისა, ძნელია მისი გაკეთება აუღვილი. უკვდავი ჭეშმარიტება რომაელთა თქმულება: „დესსუმ, ერგო პოსსუმ“ (შე ვალდებული ვარ და მასხარადმე შემიძლიაო). სწორედ ამ დღეობით ხელმძღვანელობს ეს ჯგუფი. მას ღრმადა სწამს, რომ შეუძლებელი არა არის



რა, თუ გამოაკვეთს სურვილს მტკიცე იდეა აღვივებს და გულს აღმაფრთოვანებული მიზანი ათბობს.

მიზნის და იდეის მხრივ ჩვენი ჯგუფი ყოველნაირ თანაგრძნობა-დახმარების ღირსია იმათგან, ვისაც რამოდენადმე მაინც სწამთ ეროვნულ, მშობლიურ ეკლესიის მნიშვნელობა.

ქართველ სამღვდლოებსა და ეროვნულ ეკლესიის შეგობრებს შემთხვევამ შეაძლებინა სისრულეში მოცვენათ ქართველ ერის დიდი ხნის სურვილი—ჩვენის ეკლესიის უცხოგლთა ბატონობისაგან განთავისუფლება. 1917 წლის 12 მარტმა, 15 აგვისტომ და 17 ენკენისთვემ მართლაც ახალი ეპოქა შექმნეს ქართულ ეკლესიის ცხოვრებაში. მაგრამ ეს იყო და ესა. აქ საქმეს ვებერთელა წერტილი დაესვა, — და განახლების წინასიტყვაობას ფაქტიური განახლება ჯერაც არ მოჰყოლია. ავირჩიეთ პატრიარქ-კათოლიკოსი და მიტროპოლიტები, გავხსენით ახალი საეპისკოპო კათედრები, დავიბრუნეთ სასწავლებლები და ჩვენი კაცები ჩავაყენეთ. მაგრამ გულწრფელობა უპირველესა საგანია საზოგადო საქმეებში და გულწრფელად თუ ვიტყვით, ძველ თხიერისა და ახალ ღვინოსი არ იყოს, ყველაფერთა ამით საგულისხმო ახალი ჯერჯერობით არა გაკეთებულა რა იმ დიად საქმისათვის, რომელსაც შევუხაროდით, — ეკლესიის ფაქტიურ განახლებისათვის ან უკეთ რომ ვთქვათ, ეს ყველაფერი მხოლოდ დასაწყისი იყო იმ განახლებისა, რომელიც რევოლუციის ხანაში რევოლუციონურ სისწრაფით უნდა მომხდარიყო.

ნამდვილად კი პირველ აღფრთოვანების შემდეგ რევოლუცია თითქოს უკუვაგდეთ და მძიმედ მავალ, მეტად ფრთხილ და უსიცოცხლო ევოლუციას დავემყარეთ. მართალია, სიფრთხილეს თავი არ ისტკივა და შეიძლება სიფრთხილე მეტად საჭირო იყოს ისეთ სათუთ საქმეებში, როგორც არის საეკლესიო საკითხები. მაგრამ ერთია სიფრთხილე და სულ სხვაა ის უმოქმედობა და სხვის ხელში შეტყერა, რასაც დღეს განვიცდით: აბა რომელი პარტია გადმოგვხედავს მოწყალე თვალით და რას გადმოგვიგდებსო.


არა! ასეთი სიფრთხილე დასაგმობია! ეს

ისევ და ისევ ეკლესიის ნელ სიკვდილს წაუწუნეთა ხელის კვრას და სამღვდლოების დამონავეებას უღრის. ეს კი ღმერთმან ნუ ჰქნას. ჩვენთვის საჭიროა ფართო მასსიური თვით-მოქმედება, რომელშიაც აღბად ხელს არ შეგვიშლიან და პირიქით ყოველივე ძალ-ღონით დაგვეხმარებინან ჩვენგან არჩეულნი მმართველ-გამგენი, — გვესაჭიროება დაუყოვნებლივი განახლება და ერთხელ სამუდამოთ უარყოფა ყველაფერ იმ არა-ეკლესიურისა, რაც ძველმარეფიშმა უცხოთა ბატონობის დროს ქუტყიან ხელებით შეთითხნი ჩვენს ეკლესიას.

მაგრამ რომ მოუფიქრებელი ნაბიჯები ამ თავითვე შეუძლებელი გახადოთ, მკრთალ ფერის მარგალიტი უბრალო ბრქვეიალა ქვისაგან გავარჩოთ, ნამდვილად ღვთისა ღმერთს მივართვათ და კეთილსა მხოლოდ კეთილისა, ცრუმორწმუნეობანი სარწმუნოების სამარადისო დოგმებში არ ავირთოთ და მუყაით მარგვლის დროს ეკლიან ბალახს ხორბლის ნორჩი ყლორტები თან არ მივაყოლოთ. — საჭიროა აზრთა საჯარო გაცვლა-გამოცვლა, აუცილებელია საკუთარს და იმავე დროს საეპარქიო მთავრობისგან დამოუკიდებელი ორგანო. საერო და განსაკუთრებით პარტიულ ორგანოებს ჩვენთვის არა სცალიათ ამ დროებით, ხოლო ორგანოსი ამ დროინდელ სასულიერო მთავრობისაგან დამოკიდებულება თუ საშიში არ არის, ყოველ შემთხვევაში შემავიწროებელი და უხერხულია თავისუფალ აზრისათვის.

მაგრამ არის მეორე არა ნაკლებ პატივსადები გარემოებაც, რომელიც უკარნახებს გამომომცემელ ჯგუფს უპირატესობა ოფიციალურ საეპარქიო გამოცემის წინაშე კერძო დამოუკიდებელ ორგანოს მისცეს. ეს არის ის იდეური, პირდაპირი და შეუბრალებელი ბრძოლა, რომელიც განახლებულ ეკლესიას მეგობრებმა უნდა გამოუცხადონ საეკლესიო სფეროში ყოველსავე ფარისევლობას, ფლიდობას, მიკერძება-კინკლაობას და უსამართლობას, ვისგანაც უნდა გამომდინარეობდეს იგი, საპატიო გვამთავან დაწყებული ეკლესიის უბრალო მსახურადე...

აი ეს არის „ახალი სიტყვის“ მიზანი და



დანიშნულება, ეს არის ჩვენი გზა. არც სახელი, არც პატივი, არც სარგებლობა ამ გზაზედ არავის მოელის.

ვისაც სურს ამ გზით სიარული, მობრძანდეს—და სიამოვნებით ვიფლით ხელჩართულნი.

ვისაც კი აშინებს ეს გზა, სჯობია თავიდანვე არ მოგვეკაროს, ამოდ არ სცადოს უჩვეულო ნაბიჯი. ვურჩევთ, ნურც წაიკითხავს ჩვენს გამოცემას: სულის სიმშვიდეს მაინც შეინარჩუნებს. „დაცალენ მკვდარნი დაფლვად თვისთა მკვდართა“ (სახ. მათესი, თ. 8, მუხ. 22.)



## თავისუფლება და ეკლესია.

თორმეტი წლის გამუდმებულმა მოთხოვნამ საქართველოს ეკლესიის თავისუფლების შესახებ კეთილი ნაყოფი გამოიღო. ჩვენი ეკლესია დღეს დამოუკიდებელია. მას აღარ ჰხუთავს თვითმპყრობლობის მოციქული - სინოდის მუხრუჭი. მაგრამ მართო თავისუფლების შიღვება არაკმარა, თავისუფლება ის ბასრი დანაა, რომელიც უგნურ ბავშის ხელში საშიში იარაღია და გონიერ ადამიანისაში კი დიდად სასარგებლო. თავისუფლები იყვენ და დღესაც არიან მრავალნი ველურნი ხალხნი, მაგრამ ამ თავისუფლებას მათთვის ბედნიერება არ მიუნიჭებია მათ არ იციან თავისუფლებას რა ფასი აქვს და ბევრსაც არ ინადვლიან, თუ დაჰკარგავენ მას, მადლობა ღმერთს, ქართველმა ერმა შეიგნო თავისუფლების სიტკბოება, შეიტყო რა ძვირფასი განძია იგი და ქვეყნას დაუმტკიცა ცხადად, რომ მას შეუძლია იბრძოლოს მის მოსაზოვებლად უკანასკნელი სისხლის წვეთამდის. დღეს ჩვენ მოწამე ვართ, თუ როგორის ნაადგობით და თანდათანის გაძლიერებით სახიერდება საქართველოს თავისუფლება. განყენებული ანტიკრისტიანი საქართველო სისხლხა და ზორცს ისხავს, სწორედ ისე, როგორც წინასწარმეტყველ ეზეკიელის მიერ მოჩვენებით ხილულმა კაცის ძელებმა შეისხეს სისხლი და ხორცი. სამშო-

ბლოს ცაზე თანდათან ირკვევა საქართველოს სახე, მისი მოხაზულობა, მთლიანი საქართველო, სწორედ ისე, როგორც ხელოვან მხატვრის წინ ტილოზე, თუ ფიცარზე, ბუნდოვან ჯერ გამოურკვეველი ხაზებისაგან თანდათან ირკვევა სურათი და ბოლოს წარმოსდგება მშვენიერი, სხივმფენი სანახაობა ბუნებისა, მის მოვლენისა, ანა და მის გვირგვინისა და მბრძანებელის—ადამიანის. დღეს ურწმუნთაც ირწმუნეს საქართველოს თავისუფლების აუცილებლობაც და შესაძლებლობაც.

საქართველოს პოლიტიკურ თავისუფლებას ქართველმა ერმა წაუძღვარა წინ თავისუფლება ეკლესიისა. ვინც რა უნდა სთქვას, ჩვენ კი ამ ფაქტს დიდ მნიშვნელობას ვაძლევთ. ხალხი თვინიერ სარწმუნოებისა, ურგულ-გიო, წარმოადგენს ცხოველთა ჯოგს, რომელსაც ვერავითარი ძალა, ვერავითარი ადამიანის ავტორიტეტი ვერ მიაღებინებს ზნეობრივ ვალდებულებათა საქირებებს. ამას მიაწმებს ისტორიაც და დღევანდელი რუსეთის ანგრეულ დანგრეულობა, სადაც ურწმუნოების ხაზგასმით ქადაგებამ ხალხის მასსას ცხოველური ინსტრიკტები უმწვერვალესად აღუგზნა, რის შედეგებსაც ჩვენი თვალით ვხედავთ: ადამიანის ღირებულობის დაცემას, დაუნდობლობას, შეუბრალებლობას, თვითგამართლებას და სხვა.

ეკლესია და რელიგია ხალხის ამამალღებელი, ზნეობრივად განმასპეტაკებელი საშუალებაა. და ასეთი დანიშნულება რომ შეასრულოს ეკლესიამ, იგი თავისუფალი უნდა იყოს. ეს თავისუფლება ჩვენმა ეკლესიამ მოიპოვა. მაგრამ ხომ მოგეხსენებათ ხალხური ინდაზა: კარგ მშოვნელს, კარგმა მომხმარებელმა აჯობაო. თუ მომხმარებელი არ ვარგა, საქმე წასულია ამისთვის ყოველი შეგნებული მორწმუნე ქართველის მოვალეობაა მონაწილეობა მიიღოს ჩვენის საეკლესიო ცხოვრების, მისი სიცოცხლის განახლებაში. ას წელიწადზე მეტი იყო საქართველოს ეკლესია შებოქილი. და იგი ხომ ის ზღაპრული ხელმწიფის ასული არ არის, რომელიც სამასი წლის ძილს შემდეგ ისევ ისეთი აღსდგა ძილის შემდეგ, როგორც მის წინ იყო. ერთს წერტილზე შეჩე-



რება ყველასა და ყველაფრისათვის—სიკვდილია. არ კმარა—საქართველოს საეგზარხოზოს საქართველოს საკათოლიკოსო დაერქვას, არ კმარა ძველი ტიტულების აღდგენა, ძველის საკათოლიკოსო შესამოსლების გამომწერება. საქაროა ფხიანობა, შემოქმედებითი მუშაობის გაჩაღება, უნარი მმოქმედ ძალების შემჩნვისა, დაფასებისა და მათი შეთანხმებულათ დარაზმვისა. ნაკლები „მეობა“ და მეტი „ჩვენობა“. საქმე ბევრია. ეკლესიური ცხოვრება როგორც ყოველივე ამ ქვეყნად, ცვალებადობას განიცდის, იგი თან დათან უნდა ახლდებოდეს და უმჯობესდებოდეს. ამ ცხოველყოფელი განახლების გზაზე მტკიცე სიარული არის დანიშნულება ქართული თავისუფალი ეკლესიისა.

მლ. ქრ. ციცქიშვილი.

**გაუგებრობა თუ ძველი გზა?**

(წერილი სამურზაყანოდან.)

თბილისიდან ხმა მოვიდა, რომ, წინაღმდეგ საქართველოს საეკლესიო კრების დადგენილებისა, საინგილო ზაქათალაში ამ მოკლე ხანში არსდება ცალკე ეპარქია, რომლის გახსნას და შენახვას ვითომ ჩვენი საკათოლიკოზო საბჭო კისრულობს.

ამ ხმამ აქ დიდი მითქმა-მოთქმა გამოიწვია. ზრავის არ სჯერა, რომ ასეთი უსამართლობა მოხდეს ამ დროს, როცა კათალიკოზობა ბატონობდა ბრძანდება თვით ჩვენი ყოფილი ეპისკოპოსი მეუფე კირიონი, რომელმაც კარგად უნდა იცოდეს, რომ თუ სადმე საქართველოში ახალი კათედრა გაიხსნება, პირველი ჯერი აფხაზეთ-სამურზაყანოს უნდა იყოს.

მაგრამ ამ სამწუხარო ამბავს, რომ ჩვენმა მთავრობამ რაღაცა მოსაზრებით დაივიწყა სიმონ კანანელის სავანე და ერთ შედარებით უმნიშვნელო, მაგრამ სახიფათო კუნჭულს მიაპყრო მოწყალე თვალები, აქ ისე დანამდვილებით იმეორებენ, რომ არ შეიძლება ანგარიში არ გაუწიოთ მასა.

რამდენად ვიცით, საეკლესიო კრებამ საქართველოში ცამეტი ეპარქია დააწესა: მცხე-


თის, თბილისის, ალავერდის, ბოდბის, ურბნისის, აწყურის, ქუთაისის, გენათის, ნიქოზის, ცაგერის, ქყონდიდის, ბათუმ-შემოქმედის და ცხუმ-ბედიისა.

როგორც ხედავთ, ამ სიაში საინგილო-ზაქათალის ხსენებაც აღარ არის. ცამეტ კათედრაში ექვსლა ჰყავს მღვდელმთავრები და შვიდი ჯერჯერობით დაქვრივებულია. მაშ რა საქროება მოითხოვს სრულიად საქართველოს კრების დადგენილობის გადალახვას და ჯერზე აღრე, კრების დაუკითხავად ახალ ეპარქიის დაარსება-გახსნას, ჯერ გაგვიგია. ამბობენ, რომ ამას რაღაცა კერძო მოსაზრებით შერგზიანო. მაგრამ შორს ყოველივე „კერძო მოსაზრებანი“! ნურაფინ სასაცილოდ ნუ აიგდებს ერის სურვილს! თორემ ამ „მოსაზრებით“ რომ ვიაროთ, ყოფილ ექსარხოზების გზას დავადგებით: ჰირადი სიმპატიაანტიპათიის წყალობით ქართველ სამრევლოებს კეტავდნენ და განთავისუფლებულ ჯამაგირით უცხოეთიდან გადმოხვეწილებს უარსებდნენ ეკლესიებს და სამრევლოებს... მაგრამ ეს გზა ჩვენც იმ ზნეობრივ სიკოტრემდე მიგვიყვანს, რომელიც ბოლო უამს თვითონ იგრძნეს რუსის ექსარხოზებმა.

თუ კრება შესცდა, კრებამვე გაასწოროს თავისი შეცდომა, მაგრამ ნურაფინ ნუ მიითვისებს მის უფლებას ნურაფისი სასიამოვნოდ. კრებამ კი არა გვგონია ამ უამად მოისურვოს საინგილოში ცალკე ეპარქიის გახსნა. ეს ხომ ამ მგომარეობაში პირდაპირ ომის გამოცხადებას უდრის, პროვოკაციას წააგავს...

ამიტომ ჩვენ გადაჭრით მოვითხოვთ საკათოლიკოზო საბჭოსაგან პირდაპირი პასუხი მოგვცეს პრესის საშუალებით: მართალია თუ არა ეს ხმები? გაუგებრობაა თუ ძველი გზა?

ივ. ნაჭყებია.



**ბნელეთის სამეფოდან**

გვ ვინ არის?

შვიდ მარტს 1917 წლისას კრება იყო მთაწმინდის საეკლესიო სკოლაში თბილისის სამღვდლოებისა აზრების გასაზიარებლად ურ-



თერთმორის შესახებ პოლიტიკურ მომენტისა და საქართველოს ეკლესიის განთავისუფლებისა. სამღვდლოება ნელ-ნელა იკრიბება. შემოდის ერთი დეკანოზი, რიგიანად დამრგვალებულ მუცლიანი და ძილით თვალგზ-დაზღვრილი ჯ, მიდის ოთახის ერთ კუთხეში, იკერს ორი კაცის აღგზოს და იწყებს ლაპარაკს თავის გვერდით მყოფ პირებთან რევოლიუციის შესახებ და თან აგრძნობინებს მოსაუბრეთ, რომ იგი დიდი მონაწილე იყო რევოლიუციისა და ახლაც იმას მოითხოვს მედგრად, რომ არ ჩაქრეს რევოლიუციის ცეცხლი კერძოთ ქართველ სამღვდლოებაში. მეო, ამბობდა პატივცემული (და უფრო კი ნაპატივარი) დეკანოზი, რევოლიუციონერი ხუცესი ვარ და არ შემოძლია მოვითმინო ბევრ ჩვენ სამღვდლო პირთან კავშირის დაქერაო. ამბობდა ამას და თან ანაფორის სახელოებს იკეცავდა მკლავებზე. შემოდის ერთი არქიმანდრიტთაგანი კრებაზე: დეკანოზი ჯ დაბალის ხმით ეკითხება თავის მოსაუბრეთ: ეს ვინ არისო?—უპასუხებენ: მამაო, ეგ ესა და ეს კაცია, გახა ვერ იცნობო. — ცნობით კი ვიცნობ, მაგრამ მე მაგას ვერ ვენდობი, ეგ ქვეყნის მოღალატეა და აქ რა უნდა მაგასაო. ეგ ძველოვისეულ დოშს სკამდა (ალბათ უმისოთ) ერთ ადგილასაო. მსმენელებს უკვირთ „რევოლიუციონერ“ დეკანოზის ნათქვამი. შემოდის დეკანოზი ანი, „რევოლიუციონერი ხუცესი“ ამაზედაც იმიერებს: „ეს ვინ არის?“—შემოდის მესამე, მეოთხე, მეხუთე, მეექვსე... და „რევოლიუციონერი ხუცესი“ მათ შესახებაც ცხარედ (ორსამ „ნეიტრალ“ კაცის გასაგონად) იძახის: „ეს ვინ არის?“ ამას რა უნდა აქა? მე ქალაქში ვერავის ვერ ვენდობი სამღვდლოებიდან. ეგენი სულ ჩემი მტრები არიან და ქვეყნის მოღალატენი.“ რევოლიუციონერ ცეცხლით აღგზნებულმა ხუცესმა არ დაინდო დიდი უმრავლესობა მოსულთა. არც ყოვლად სათანო და უწყინარი ანი, არც ზრდილობიანი და ჩუმი მუშაკი, ავტოკეფალიის საკითხის აღმძვრელთაგანი და მისი მეცნიერულად და პრაქტიკულად ნიადაგი დამცველი ბანი, არც ძველი ქართულ მწერლობის მუყაითი მაძიებელი განი, არც დონი, არც ენი არც განი... და

არც სხვანი. ყველას შესახებ ერთსა და იმავეს იხვორებდა: ეს ვინ არის, ამას რა უნდა აქა? მე მაგას ვერ ვენდობიო.

არ შეგვიძლია არ აღვნიშნოთ, რომ „რევოლიუციონერი ხუცესი“ ძალიან მწყურალოდ უნდა ბრძანდებოდეს სახარებასთან, რომელშიც ასეთი მარგალიტებია გაბნეული: „ნეტარ იყვენენ მშვიდნი, რამეთუ მათ დამიკვიდრონ ქვეყანა... ყოველი რომელი გინდეს თქვენ, რათა გიყუნ კაცთა, ეგრეთცა თქვენ ჰყავთ მათ და მიმართ... ანუ რასა ჰხედავ წვილსა თვალსა შინა ძმისა შენისასა და დვირესა თვალსა შინა შენსა არა განიცდი?“.

დასასრულ ჩვენც მივმართავთ მკითხველებს ამ ზემოაღნიშნულ „რევოლიუციონერ ხუცესის“ შესახებ, გამოიცნონ: „ეს ვინ არის?“.

ჯაჭვადე.


თავმოხატრელი სიჩუმე.

იმას, რასაც ქვემოთ მოგახსენებთ და რაც საკუთარი ყურით მოსმენილი სტენოგრაფიულ ანგარიშს წარმოადგენს, ალბათ ჰქონდა 1915 წლის გიორგობისთვის 5—ქ. თბილისში ერთ პატივცემულ ქართულ ოჯახში, რომლის დიასახლისმაც გამოსათხოვარი საღამო გაუმართა საქართველოს ყოფილ ექსარხოს პიტრიმს, რომელიც იმ ჟამად მიემგზავრებოდა პეტროგრადს სინოდის სხდომაზე დასასწრებლად.

მოწვეულთა შორის თავის თავად გამართა საგულისხმო საუბარი. მ. სუმბათაშვილმა და ი. აფხაზმა გრძნობით სავსე სიტყვებით მიმართეს ექსარხოსს, უკანასკნელმაც, საერთო თანაგრძნობით გამხევებულმა, შუბლი გაიხსნა და ბევრი რამ საყურადღებო გაგვაგონა.

„ქართველებიო“, სიტქვა პიტრიმმა: ერათობ მგრძნობიარე და გულწრფილები ხართ და ხათრიანობის გამო არ იცით თქვენი თავის დაცვა გარეშეთაგან, როდესაც ისინი უსინდისოთ გექცევიან. აი მრავალთაგან ერთი მაგალითი ამისი.

თბილისში დაბარებულები მყავდნენ საექსარხოსოს სასულიერო სასწავლებლების რუ-



ხული ენის ყველა მასწავლებლები. დაბარებულებს უნდა გამოეჩინათ ზომები რუსული ენის სწავლების საუკეთესო დაყენებისა სასწავლებლებში. ბევრი ფიქრისა და აღებ დაღების შემდეგ, ხსენებულ პედაგოგებს გამოეტანათ ასეთი დასკვნა: ქართველ მოსწავლეებს რუსული ენის შეთვისებაში ხელს უშლის ის, რომ აგინი ერთმანეთში ლაპარაკობენ ქართულად და თან სწავლობენ კიდევ ამ ენას. სასურველად დაინახეთ, რომ აეკრძალოთ მოსწავლეებს ურთერთშორის ქართულად ლაპარაკი და ყველა გაკვეთილები ქართული ენის მიემატოს რუსული ენის გაკვეთილებს. ასეთი ღონისძიებით გაუმჯობესდება ქართულ სასწავლებლებში რუსული ენის სწავლების საქმე.

მეუცხოვა ასეთი დადგენილება და მეძნელებოდა მისი დემტკიცება. მოვიფიქრე, ჟურნალს გადაეცემ სემენარის მმართველობას, აქ ქართველები არიან წევრებათ, თავიანთ საქთარ აზრს გამოსთქვამენ და მეც იმათ მივემხრობი მეთქი. მაგრამ არ გამიმართლდა მოლოდინი. ჟურნალი უკან დამიბრუნეს მოხსენებით—უცვლელად უნდა შესრულდესო.

მე ვერ მივხვედრილიყავ, რა საბუთით უნდა ამომეფხიკა საექსარხოსოს სასულიერო სასწავლებლების პროგრამიდან ქართული ენა იმდროს, როდესაც ქართველები მოითხოვენ ავტოკეფალიას. ავდექი და ის ჟურნალი გავუგზავნე აი ამ ჩემს თანაშემწეს, ქართველ ქორეპისკოპოსს, დაიმედებული, რომ ის ყოვლისავე მიზეზების გარეშე დაიცავდა მის სამშობლო ენის ინტერესებს.

ჩემდა სამწუხაროდ, არც ამ ხელად გამიღიმა ბედმა: ჟურნალის შინაარსი პედაგოგიური თვალსაზრისით ჩინებულათაა დასაბუთებული და იგი უცვლელად უნდა გატარდეს სასწავლებელთა ცხოვრებაშიო, მომახსენაქორეპისკოპოსმა. ამის შემდეგ კი ისევ მე ვიდე თავზე ქართული ენის დაცვა და უარ ვყავი რუსული ენის მასწავლებელთა დადგენილება. ასე იყო, თქვენო მეუფებავ, საქმე თუ არაო, შეეკითხა პიტირიმი მის გვერდით მდგომ ზემოთ ნაჩვენებ ქართველ მღვდელთ მთავარს და უკანასკნელმაც, დამსწრე სტომობის გა-

საგონათ დადასტურა ნათქვამის სინამდვილე. ბევრს ჩვენგანს მაინც არა სჯეროდა ნაამბობის სინამდვილე. ვფიქრობდით, ექსარხოსი შემცლარია, მან არაი ფაქტები და გაუგებრობის გამო ტყუილ უბრალოდ შეარცხვინა თავისი თანაშემწე ამოღენა საზოგადოებაშიო. დღე დღეზე მოველოდით, რომ შეურაცყოფილი ბექვდითი სიტყვის საშუალებით გამოარკვევდა საქმის ნამდვილ ვითარებას, მაგრამ აგერ მესამე წელიწადი გადის და ბრალდებულს კრინტი არ დაუძრავს.

ნაჩვენებ შემთხვევაში ვპისკოპოსის მხრივ სიჩუმე უფლებას გვაძლევს, დავსკვნათ, რომ ყოფილ ექსარხოსს პიტროს სრული სინამდვილე გადუცია ქართველებისთვის თავის მაშინდელ თანაშემწე ქართველ ეპისკოპოსის შესახებ, ე. ი. რომ უკანასკნელი შეგნებულნი მომხრე ყოფილა ქართული ენის გაქვევისა სასულიერო სასწავლებლებიდან და თუ ეს ასეა მაშინ აღარც ის უმგავსობა იქნება ხსენებულ ბატონის შესახებ დაუჯერებელი, რომელსაც შემდეგში გავუზიარებთ მკითხველებს.

**ჭინჭარი.**

**✓ ჟურნალ „სვეტიცხოვლის“ გამო**

საქართველოს ეკლესიის დროებითმა მმართველობამ წარსულ წლის სექტემბრის თვეში ითავა ჟურნალი „სვეტიცხოვლი“ გამოცემა. აირჩია სარედაქციო კოლლეგია და და გამოსცი კიდევ რამდენიმე ნომერი. ამ ბოლო ხანებში ეს სარედაქციო კოლლეგია გადაყენებული იქმნა, ვისვან ან რისთვის, ამაზე ცხლად არა თქმულა რა. ზურგს უკან არა საკადრისი ჩურჩული კი ყველას არ ესმის, როგორც ვიცით. საკათოლიკოსო საბჭოში შეუტანია მღვდელს იოსებ ჩიჯავაძეს თხოვნა: როგორც ყოფილ „სიტყვის“ გამოცდილ რედაქტორს „სვეტიცხოვლის“ რედაქტორობა მე მომანდეთო. საკათოლიკოსო საბჭოს განუხილავს ესევეთარი თხოვნა სარედაქტორო კანდიდატისა და დაუსახელებია ახალი სარედაქციო კოლლეგია: დეკ. კალ. ცინცაძე, ინგილო, ინგოროყვა, ვართავა, შდ. იოსებ ჩიჯავაძე და ქრ. ცაქციშვილი, რომელთაგანაც



პირველს გადაქრილი უარი განუცხადებია. რედაქტორი თვით კოლლეგიას უნდა აერჩია თავის წრიდან. მაგრამ კოლლეგიის დასახელებულმა წევრებმა მიიღეს საკათოლიკოსო საბჭოსგან წერალებითი ცნობა, მღ. ი. ჩიჯავაძეა დანიშნული რედაქტორად. მართალი რომ სთქვას კაცმა, საქმეშიაში ხომ არ არის, ვისი სახელი ექნება მოწერილი ყურნალს. არასასურველი აქ კოლლეგიურ დაწესებულების დაუმსახურებელი უგულვებელს ყოფაა და დაეინება: „ჩემი სჯობსო“, როგორც უკვდავ პოემაშია ნათქვამი.

აქ საქმის თაობაზე მღ. ციციშვილმა შეიტანა 22 იანვარს საკათოლიკოსო საბჭოში შემდეგი მოხსენება: „რადგანაც „სვეტი ცხოვლის“ ყოფილი სარედაქციო კოლლეგია (დეკ. ცინცაძე, მღვდელნი: ალექსი მიქელაძე, ილია შუბლაძე და მე) გამოუკითხავად, თუ განუკითხავად, ძველებურ მესამე პუნქტისებურად, გადაყენებულ იქმნა და რადგანაც ახალი („სვ. ცხ.“) სარედაქციო კოლლეგიის შედგენის დროს გადაწყვეტილი იყო კოლლეგიას თვით აერჩია რედაქტორი თავის წრიდან, მაგრამ კოლლეგიის წევრებისათვის გაუგებარ მიზნებისა გამო რედაქტორი ადმინისტრაციულად იქმნა დანიშნული,—მე უარს ვაცხადებ „სვეტი ცხოვლის“ სარედაქციო კოლლეგიის წევრობაზე.“

## ქ რ ო ნ ი კ ა

როგორც გაზეთები გადმოგვცემენ, რუსეთის ახალი პატრიარქი ტიქონი ცდილობს პირადის მავალითებით გაატაროს სამღვდლოების ცხოვრებაში ქრისტიანულ თანასწორობის და მარტივობის პრინციპები. განურჩევლად მორწმუნეთა სოციალურ მდგომარეობისა, მხოლოდ მაშინ აძლევს მათ ხელსა საკოცნელად, როცა შემოსილია და ჯვარი უჭირავს. დანარჩენ შემთხვევებში, შინ თუ გარედ, უბრალოდ ხელის ჩამორთმევით ესაღმება ყველას, ვინც უნდა იყოს, როგორც სწორი სწორსა. გადაუგდია მიტროპოლიტების დახურული კარეტები და ღია ეტლით, სადაც შეი-

ძლება ფეხითაც კი დაიარება. ამ მხრით ტიქონზე ვერ გასქრა ვილაკებისაგან მოწყობილმა პროვოკაციამ, როცა მას თითქოს გასაჩხრეკად და ნამდვილად კი შესაშინებლად შინ ეწვივნენ სალდათის ფარაჯებში გამოწყობილი სტუმრები და სახლის მორთულობა მიუღწე-მოუღწეწეს.

\* \*

ენისეისკის ყოფილი ეპისკოპოზი ნიკონი, ქვეყნად ნიკოლოზ ნიკოლოზის ძე ბენსონოვი, რომელმაც უკვე დასტოვა სასულიერო წოდება, დაინიშნა თბილისის საოლქო სასამართლოს წევრად.

\* \*

გაზეთებში გამოცხადებული მცხეთის ჯვარის მონასტრის მღვდელმონაზონ მირიანის არქიმანდრიტად კურთხევა ვერ მოხერხდა, ვინაიდან ჯვარის მონასტერი აღმოჩნდა თბილისის ეპარქიის ტერიტორიაზედ, ხოლო თბილელ მიტროპოლიტმა ლეონიდემ მირიანის, როგორც ხსენებულ მონასტრის წინამძღვრისა, არქიმანდრიტად კურთხევა ძალიან ნაადრევად სცნო...

\* \*

თბილისში მახათის გორაზედ გაშენებული ნიში წმ. ილიას სახელობისა მიეწერა მცხეთის საკრებულო ტაძარს და იქ მღვდლად დაინიშნა ავლაბრის მთავარ-ანგელოზის ტაძრის ყოფილი დიაკონი მ. ტიმოთე ბაკურაძე, რომლის ხელდასხმა შესრულა მცხეთის მთავარეპისკოპოსმა და სრულიად საქართველოს პატრიარქ-კათოლიკოზმა კირიონ მეორემ ანჩისხატის ტაძარში.

\* \*

საქართველოს ეკლესიის აღდგენის შემდეგ ამა წლის 14 იანვარს სიონის ტაძარმა პირველად იღვესასწაულა თავისუფალი ნინობა. მწირველნი იყვნენ პატრიარქ-კათოლიკოზი კირიონი II და თბილელი მიტროპოლიტი ლეონიდე ადგილობრივი სამღვდლოებითურთ. საზოგადოება იმდენი მოაწყდა, რომ სიონის ტაძარში ბოლოს შესვლა შეუძლებელი გახდა. ბლომად იყვნენ რუსებიც. მაგრამ ღვთის მსახურება, სანწუხაროდ, ისეთის ზეი-

მით ვერ იყო მოწყობილი, როგორც ეს შეიძლებოდა და უნდა ყოფილიყო. ეტყობოდა მოუმზადებლობა. სხვა ნაკლულევენებათა შორის აღსანიშნავია ის გარემოება, რომ „განიცადენი“, როცა დიდძალი დამსწრე საზოგადოება სმენად იქცა, აბა ვინ როგორის ღირსეულ სიტყვით შეამკობს ამ დღესო, მხოლოდ მგალობლებს დარჩათ სავარჯიშოდ. პარაკლისის წინ კი მიტროპოლიტმა ლეონიდემ მგრძობიარე სიტყვა წარმოსთქვა, რომელიც შემდეგ დაიბეჭდა გაზეთ „საქართველო“-ში (16 იანვარი, № 12). გარდა ამისა გაზეთ „ვოზროკედენიე“-ში 19 იანვარს, № 14, დაბეჭდილია ამ დღის შესაფერისი სიტყვა თვით პატრიარქ-კათოლიკოსისა.

\* \*

თბილისის სამიტროპოლიტო საბჭოსთან დაარსდა წიგნის-მკითხველის, დიაკონის და მღვდლის ხარისხის მაძიებელთა გამოსაცდელი კომისია. საღვთისმეტყველო განათლების მქონეთა გარდა ვერც ერთ ზემოაღნიშნულ თანამდებობათაგანს ვერაფერს მიიღებს უეგზამენოდ. ფრიად სასურველია, რომ დანარჩენ საეპარქიო საბჭოებშიც რაც შეიძლება საჩქაროდ შემოიღონ კანდიდატების გამოცდა, თორემ მართოდამოუკიდებლობა ვერას უშველის ეკლესიას. პირიქით, მწარე სინამდვილე გვიჩვენებს, რომ წესიერებას მოკლებული თავისუფლება საშიში საგანია უფიცთა ხელში. დღეს ჩვენს ტაძრებში კითხვა, გალობა და ქადაგება ისე ცუდად არის დაყენებული, რომ მალე ისინიც მოგვშორდებიან, ვინც წელიწადში ორ-სამჯერ მაინც მოდიოდნენ საყდარში. სამწუხაროა, რომ საკათოლიკოზო საბჭოს დღემდინაც ყურადღება არ მიუქცევია ამ საქმისათვის.

\* \*

იმერეთიდან გვეკითხებიან: 1917 წლიდან კენისთვის საეკლესიო კრების დადგენილეს ბათა ოქმები ვისიმე დიპლომატიურ საიდუმლოებას შეადგენენ თუ ოდესმე გამოქვეყნებულ იქნებიან? სამწუხაროდ, პასუხს ვერ გავცემთ საჭირო ცნობების უქონლობისაგამო.

იმედია, ისინი გამოეხმაურებიან ამ შეკითხვას, ვისაც ეს ოქმები აბარიათ.


\* \*

26 იანვარს განხორციელდა ქართველ ერის დიდის ხნის ოცნება და დიდებულად დაგვირგვინდა პროფესორ ივ. ჯავახიშვილის თორმეტ წლის მეცადინეობა: ქართულ გიმნაზიის შენობაში გაიხსნა ქართული უნივერსიტეტი. აუწერელია შვება-აღფრთოვანება იმ რაოდენიმე ათას ქართველებსა, რომელნიც ამ ზეიმს დაესწრნენ. კალამი სუსტია ღირსეულად აღნიშნოს ეს დიადი დღე ქართველობის ეროვნულ მისწრაფებათა აღორძინება-გამარჯვებისა. და ჩვენც მხოლოდ სამი სიტყვით აღვნიშნავთ ამ დიდებულ დღესასწაულს: ქართული უნივერსიტეტი გაიხსნა.

სამღვდლოთაგან მიწვეულია პროფესორად სემინარიის რექტორი დეკ. კორნილე კეკელიძე. მსმენელთა შორის ჩარიცხულ იქმნენ მღვდლები: ბედიასვილი სპ., გორგაძე არჩ., მენტეშაშვილი ეგ., ციციშვილი ქრ., შუბლაძე ილ. და არქიმანდრიტი იოვანე (მარგიშვილი).

\* \*

31 იანვრის გაზ. „საქართველო“-ში (№ 25) დაბეჭდილია ვრცელი „სიტყვა, თქმული მისი უწმიდესობის კათოლიკოზ-პატრიარქის კირიონ II მიერ 26 იანვარს ქართული უნივერსიტეტის გახსნის დღეს“. როგორც დანამდვილებით ვიცით, კათოლიკოზ-პატრიარქს 26 იანვარს არსად და კერძოდ უნივერსიტეტში ამისი მსგავსი არა უთქვამს რა. ამიტომ გვიკვირს და ვერ გავგივია, ვის და რა მიზნით სჭირდება მისი უნეტარესობის სახელით ბოროტად სარგებლობა და უთქმელ „სიტყვების“ ნათქვამად თხზვა და ბეჭდვა.



გამომცემელი „ახალ სიტყვის“ სარედაქციო კოლეგიის რწმუნებული მღ. ქრ. ციციშვილი.